

中國方志叢書·華中地方·第三六三號

據

民國劉子敬等修，賀維翰等纂
民國二十一年鉛印本

影印

四川省

萬源縣志

(四)

成文出版社有限公司印行

萬源縣志卷之九

藝文門

詩詞賦文

附

自明楊升菴氏志全蜀藝文備載篇什變舊史例清代府縣志
乘多因之良以古今作者繁簡不同抑亦方志與國史體製不
妨稍異歟段懋堂氏爲富順縣志文皆附見不列專門凡無當
於山川風土人物之作率遭屏棄心血空灑文士傷之章實齋
氏爲天門縣志藝文考而外另輯詩文似分軒輊義仍未允萬
源文化滯阻前人著述無多加以疊遭兵燹卷帙遺亡文不足
徵彌增感喟更不容不存十一於千百古者太史採詩以觀民
風篇什自不應廢也惟舊志所登多出遊宦名流此邦文獻幾
爲所掩茲特推廣範圍量爲採錄綜本籍外籍先今詩文若干

首仿富順簡陽兩縣志例以遊山寫景詩及廟碑墓誌家傳分
附各類其本籍人詩文無類可附者具載於此以免喧賓奪主
之嫌然已寥寥無幾矣搜殘補墜謹待來哲述藝文

詩

詞賦
附

宋

王敏

題紫霞坪植茗園

築成小圃疑蒙頂分得靈根自建溪昨夜風雷聲早發綠芽和

露瀟春畦

清

楊曰都

庶堂嘉慶戊寅舉人
浙江桐廬縣知縣

深洞子遇童老人

深洞深無際仙源欲問津忽驚風貌古相對語言親流水如迎客閒雲不染塵塵勞吾已甚何惜酒千巡

雞黍當筵設桑麻繞徑分新秧青貼水老樹翠連雲耕讀家聲古芝蘭氣味芬此閒良可樂酬唱對斜曛

以上舊志

賴春山

笑如咸豐辛酉拔貢

詠漢高祖馬上得天下

盤馬彎弓不計秋英雄直據帝王州曾將隊耳追秦鹿却笑烏騅負楚猴幾度揚鞭持螭蚌一朝開道壯驊騮獨留四海威加日歸放華山總讓周

壬戌五月從軍寄意

聞說廬山面目真安排戎馬走風塵梧桐有意能棲我鸚鵡無情竟罵人故使英雄歸駕馭爲憐朋輩坐因循此行便欲乘風

去前渡劉郎且問津

漢南營中卽事

四首之一

甲兵十萬任胸羅
范老難逢恨若何
燕頤從來名將少
狼烟空嘆敵人多
雲昏雨暗師皆老
石淨苔清劍欲磨
西望秦關八百里
有誰能唱大風歌

漢南留別周養泉

我年二十七讀書十九年
雄心吞雲夢放懷察魚鳶
抑鬱不得志故我尙依然
謝絕毛錐子來着祖逖鞭
驅馬出南門挾策走東川
江東之子弟兵不滿八千
彎弓盤駿馬旌旗落雲烟
破賊復爲賊民脂血染鴟
安得大丈夫百戰轉坤乾
黔中佳子弟謙溪奕葉傳
溫如石中玉潔如井底蓮
蓮不染污泥玉可避腥羶
其剛如荆鐵其醇則醴泉
養心兼養氣浩浩復淵淵
相見便相

契惻惻與絲絲征鞍日追逐幕府夜留連君呼我爲弟石悟三生緣我拜君爲兄襄陽學米顛詎料楚人咻鵠舌滋蔓延仗劍對樽酒喬木誦鶯遷失我記事珠奪我下水船麒麟走大荒鷓鴣促離筵今夕知何夕語君且勿眠此生千餘里南北兩戎旃良將不易得三五望月圓君何以教我歷歷語燈前

賴

謙虛竹印江
縣知縣

花市

淺白深紅各襯裝喧嚷競賽百花場天然錦繡皆奇貨眼底繁華盡異香十里錫簫沽酒店六街箬笠賣春郎芳菲如許堪評價何必明朝帶雨忙

花縣

樓閣層環燦若霞河陽世界盡花花巧裝百雉成香國誤惹羣

蜂報午衙錦炫都人春富貴輝添令尹舊桑麻滿城桃李官誰
屬頻與天公門麗華

賴容莊

淡如歲貢生

贈郭秉璋先生

相逢相信不相疑那計春風話別離陳榻高懸無意下曹倉深
鎖有誰知勸君更醉十觴酒愧我難爲一字師萍聚七年成舊
夢臨歧徒贈渭城詩

張元經

增生

千里夜臺

咸豐末里人張聯魁應募逐賊入秦妻陳氏守志撫孤成立爲墓虛左穴以待並誌其名冀歸

老同穴也聯魁終不果歸陳氏飲恨以歿獨夕凄涼人皆惋之

提刀仗劍入秦關萬里長征人未還

古語用

腸斷天涯憐白骨釵

分繡閣憫紅顏精魂已入昭忠廟血肉猶堆積雪山合葬何年

封四尺雲初奠獻淚潸潸

張明徵

少卿歲貢生

悔嗜洋煙

戊戌作

自從癩癖寄煙霞惡燄長槍興自奢曠廢聖賢真事業銷磨英俊好年華一燈竟作乾坤蠹萬象終成幻夢花寄語青春雲路客謹防失足恨無涯

行經敍府驛次

匆匆遊屐別經年白髮倚門望眼穿鐵聚九州成大錯江連三峽帶空船慚無金幣誇蘇季剩有書琴伴米顛却憶杜鵑催我急聲聲歸去悔遲延

重慶束裝有感

空囊如洗獨張皇名士從來氣不揚收拾斑毫銷兔穎摩挲雄

劍老魚腸明珠有價羞彈雀歧路多愁懶逐羊
萬里青蚨飛易盡何人秘授點金方

思家歎

蕭條行李自匆匆蓬轉萍飄幾處通
線紆每憐鍼脚換樽開
惜杖頭空禪餐玉版隨髯老
扇寫金容
識放翁滿地鶯花誰作主
春波春草盼魚鴻

新橋河

距家十里路非遙薄暮饑疲駐小橋
一步未歸猶是客芒鞋依舊踏明朝

待曉忙忙整倦身今朝便喜洗車塵
當門山色渾如笑又得鶯花舊主人

痛陋俗

并序

余觀現時陋俗最堪痛恨者約有七端言之痛心亟宜革
除有心人手無斧柯欲救正之而不能欲姑容之又不忍
蒿目棘心惟有以筆墨代鈴鐸警醒提撕又恐文深愚民
不解詞意務求淺顯盡情以資導引庶言者無罪聞者獲
益有則改之無則加勉挽狂瀾於既倒不能無奢望云

(二)子多不養親

十首
之四

昊天罔極報恩忙奉養晨昏理所當同此肺肝同面目如何狂
暴等豺狼

種子生兒總欲多多兒奈不養親何一逢結配分家後個個低
眉敬老嫂

家家共祝子孫賢貧富靈頑各有天可恨沿門糊一口爭多論
寡累高年

汝旋生子子生孫戾氣潛鍾類益蕃異日視翁如敝屣方知逆報不堪言

(二)女大配少男十首之四

室家男女願相同萬化靈源寓此中嘉耦孰教成怨耦惟將長女配童蒙

女大猶如虎一般滿園花信任長關春光漏洩知多少恐把眉痕誤遠山

幼來嬌慣長來橫虐壻凌姑勢不平狼藉一家難吐氣春風空自語流鶯

年齡如此太差參那得調和瑟與琴願祝普天賢月老赤繩休錯繫花陰

(三)悍婦自招漢十首之四

廉恥銷磨誤兩雄紅顏鬼蜮煽刁風陽台屢造溫柔孽斷雨零雲付轉蓬

別鵲離鸞遇可哀摩笄忍上望夫臺柏舟兩作人千古肯似楊花逐水來

分明有主號羅敷月下花前爽約無大被連牀稱異事不拘頭面亦糊塗

強賓壓主氣難容三尺龍泉頸血紅覆水欲收收未得空餘團扇怨秋風

(四)嫁夫私逃走

十首
之四

背主私逃律有文如何劣婦尙紛紛落花滿地無人掃空鎖陽台嶺上雲

臨門往送囑尤詳敬戒無違兩字芳豈識阿娘方問訊琴心早

已寓求凰

佳婦佳兒屬望多一朝反目奈卿何珠還已匪無瑕玉空翼乘
槎返絳河

茹苦含辛分所宜如何飄忽等游絲待當老大方回首怨海難
填萬頃池

(五)嗜煙耗利源

十首
之四

毒種羣芳譜莫稽佳名千載羨虞兮至今流落西江路扛鼎英
雄爛作泥

兄規父戒總茫然藥石成仇枉自煎直待燎原無寸土高堂養
膳亦株連

紛紛酌酢故人多無暇承迎可奈何從此綈袍交斷絕一燈燐
火詐瘋魔

牀頭銷鑠杖頭空鬼臉狼心計益工小試探囊如狗盜殘燈燒
到四更紅

(六)富室不讀書十首
之四

黃金堂上老糊塗嬌養偏如掌上珠脆骨柔筋無箇事生成牛
馬任人呼

博飲盤遊膽素張一丁不識謂無妨功名縱許憑捐得到底難
沾翰墨香

問舍求田迴不猶膠庠反慮誤春秋延師強作支吾計夜夜持
籌較束脩

昏昏濁氣滿胸懷詩禮難醫鄙吝胎不解師儒談孝友惡言紛
向父兄來

(七)秀才無大志十首
之四

一頂頭巾作秀才之乎也者巧安排豈知天下同憂樂擔起肩頭大徑來

雕蟲小技是生涯畫角描頭字不差八斗文章三斗粟綠楊村裏覓東家

室家妻子計偏忙四面營求鄙態彰說到孔方毛骨聳公然錢癖入膏肓

儒生半作吏員才刀筆鋒銳搆禍胎直奉蕭曹爲護法蓮花幕下鬼門開

張乃謙

吉六歲貢生

感匪患

財主原是財之主此間但有守財虜利析毫末盡錙銖不爲地癖卽錢愚韞櫝深藏務多積一毫不肯爲公益蘊利由來孽必

生活劫釀來惡棒客棒客之來如電掣軍士裝束人鑿鑿身負
洋槍耀日白平民一見心膽裂四出捉肥朝復暮網張四面逃
無路捉來反縛如縛雞席捲驅之入營去燒炙倒懸沸水灌拷
取金錢動千萬遙憶明末戚與閩象以齒焚良可歎人人昏昧
夜闌時突如其來烏可知有家不敢稍停住竄伏陵谷暗棲遲
更愁月夜突遭擒野宿陵谷恐不深無論雨淋漂沒苦可憐零
露透衣衾我家惟有兩牀被棉布價昂製不易掠去何以禦嚴
寒隨身奔竄大爲累舉家避匿期秘密語聲寂寂心慄慄獨有
小兒莫奈何令之無啼聲轉疾狗吠相聞尋常事此日一聞心
輒悸風聲鶴唳動驚魂總覺棲身無善地彌月和衣睡不成頻
頻觀聽察形聲偶入黑酣渾不覺驀然警惕夢魂驚我若肥時
我不懼拚將阿堵脫然去空有皮毛却無肉縛得不能供一饅

從此富豪應自悟此身莫被金錢誤試想當年陶朱公三散千金寧無故十年不到林深處荆棘蒙茸不知路翻喜避地尋幽深行來頗得山林趣唐人詩卷忽在眼偶然披吟會心遠適有一言獲我心何當減迹棲絕嶠

秦相義

翼臣
庠生

讀後出師表有感

漢家餘運轉巴中鼎足雖分總不同
王若辭三顧駕先生焉
建兩朝功天心厭亂來司馬人力無能
臥龍五丈原頭多少
恨莫將成敗論英雄

詠自鳴鐘

景陽宮裏別來聲十二時辰總一鳴
待漏朝天鵲集處餘音常
伴佩箏箏